



ს. ანტონის მონასტრის წინამძღოლის, ს. ანტონის მონასტრის წინამძღოლის, ს. ანტონის მონასტრის წინამძღოლის

ՎԵՆԱՓԱՌ-ՆԱՅՐԱՊԵՏՐ ԱՎԱԳՈՒԹՅԱՆ ՊԱՏԻՎ ՇՆՈՐհԵՑ Տ. ՊՈՂՈՍ ԲԱՏԱՆԱ ՊԱՐՈՆՅԱՆԻՆ

Ն.Ս.Օ.Տ.Տ. Գարեգին Բ Ամենայն հայոց Կաթողիկոսը, ընդառաջելով Բրազիլիայի հայոց թեմի առաջնորդ Գերաշնորհ Տ. Տաթև արքեպիսկոպոս Ղարիբյանի խնդրանքին, հոկտեմբերի 6-ին Մայր Աթոռ Սուրբ Էջմիածնում ավագ քահանայության պատվով շնորհեց Բրազիլիայի հայոց թեմի հոգևոր սպասավոր, Օգասկոյի Ս. Հովհաննես եկեղեցու հոգևոր հովիվ Տ. Պողոս քահանա Պարոնյանին՝ ի գնահատություն երկարամյա և արդյունաշատ ծառայության:

Տեր Հոր նախանձախնդիր ծառայության ականատեսն է եղել նաև Ամենայն հայոց հայրապետը՝ այս փարի Բրազիլիա կաթարած հովվապետական այցի ընթացքում:

Հայրապետական Սրբապատ Կոնդակի ընթերցումից հետո Վեհափառ Հայրապետը համոզմունք հայտնեց, որ 20-ամյա բաջ ու բարի հովվի իր փորձառությամբ Տեր Հայրը կշարունակի ծառայել ի շահ բրազիլահայոց գաղութի բարօրության:

«Դուք պետք է լինեք ոգին Օգասկոյի հայոց գաղութի, և Ձեր ոգուց պիտի կայծ առնի հայաշունչ կյանքը: Առաջնորդեցեք հայորդիներին առավել նախանձախնդրությամբ և ծառայասիրության ու հայրենասիրության Ձեր անձնական օրինակով», - նշեց Նորին Սրբությունը:

«Մեր աչքերը միշտ դարձած են դեպի Սուրբ Էջմիածին և մեր հույսը հայաստանն է և մեր Մայր Եկեղեցին Ձերոյ Սրբության գլխավորությամբ», - ասաց Պողոս ավագ քահանան՝ շնորհակալություն հայտնելով Ամենայն հայոց հայրապետին բարձր պատվի համար և վստահեցնելով, որ կանի հնարավոր առավելագույնս հայապահպանության և հայ Եկեղեցու հեղինակության առավել բարձրացման համար:

Ավագության պատվի շնորհման արարողությանը ներկա էին Մայր Աթոռի Միջեկեղեցական հարաբերությունների բաժնի պատրասխանարու Տ. Եզնիկ եպիսկոպոս Պետրոսյանը, Մայր Աթոռի միաբաններ:

**ՄԱՅՐ ԱԹՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ**